

皇明四大家詩選目錄

二卷

何大復

四言古

淮水

樂府

琳池歌

獨漉篇

行路難

霹靂引

採蓮曲

白紵歌

采葛篇

處州別駕行

易水行

五言古

武陵

自武陵至沅陵道中

新添

平垣城南村

雜詩

贈望之

艷曲

擬古詩

望郎西諸峰有懷昔隱兼發鄙志

憚功甫悼亡

贈田子

飲酒

十二月朔日大駕觀牲

贈君采

七言古

乞巧行

古松行

省中公燕

大梁行

流螢篇

亦槿花歌

聽琴篇

寶劍篇

寄李崆峒

入京篇

長歌行贈壯兄

漢將篇

柳絮歌

明月篇

玄明宮行

崔生行

憶昔行

田子行

苦熱行簡問良伯 少谷子行

題黃車駕畫竹 畫竹

同李進士觀銅雀硯歌

五言律

避雨山舍望見蒲圻城

辰溪縣 沅水驛

沅州道中 平溪

李參謀府 鎮遠

查城十五夜對月 寄陰舍人

雨霽 雨

送孫太守

葵 中元夜月

晚歸自溪上 登樓

同清溪夜坐 八月丁日

夜 陰

吾州 樊秀才園內菊

雨夜 與孫世其晚坐

登巔山寺 寄張參升給事中

懷李獻吉 月

雨後次孟望之 送孫世其舉人歸華容

客至

西郊秋興

長安月

登釣臺

病馬

得五清先生消息尚客澧州悵然有懷作詩三

首

登紫極閣

世其宅夜集同君采作限難字

冬月

寄崆峒子卜居襄陽

送王有隣之趙州

平坡

皇陵詩

鑑公房石磴

中秋無月

駕出

大祀

張侍御送弓

送沙河方令

送賈翹博之階州

咏天寧寺塔

兀夕

新鄭道中

送楊驛丞

早入宣武門

送江華尉

寄禱華王

月食

送楊太常歸省

送彭總制之西川

過田郎

一舫齋

立秋日昌景二內翰呂田二黃門見訪

立秋汝濟見過次韻

國家圖書館, NATIONAL CENTRAL LIBRARY, TAIWAN R.O.C

寄三子詩

城東泛舟

過寺中避暑同川父

雨景劉汝忠過對基觀詩談邊事作

鏡光閣

中秋十三日子容樓

十四夜李川甫宅

胡戶部父母同受封命

草堂寺

普緣寺有馬融讀書洞

登五丈原謁武侯廟

清峯閣曉霽

登樓在草店作

馬道驟雷雨

書院課士雨至有作

五言排律

悼馬詩

寄贈王彥衡御史

郊觀

壽泉山先生

七言律

岳陽

日潭寺

九日黔國後園

呂公祠

五日

沈逸士來自吳下能詩善鼓琴間投篇什見訪

顧館於城中予以病不得出迺作此詩招致

澈庄

秋興

寄贈劉東山先生次林都憲韻

九月二十六日同賈廣文劉舉人任貢士高夔

府先生宅內賞菊

無題

八日王宗楫宅見菊

送張元德巡畿內

月夜王宗楫宅贈田子之江西

送劉養和謫金壇 送殷近夫之青田

奉寄泉山先生 得獻吉江西書

無題回文 簡汝立

送賈學士之南都 送杭憲副兵備天津

鱗魚 雨過何太僕

答劉子緯雨後之作次韻

送衛進士推武昌府

送顧隱君還常州君來視其姪中書子進士

十六夜尹舍人宅次劉汝忠韻

九日獨酌簡何太僕

同馮光祿登慈仁寺閣

閣直立春日雪 懷寄邊子

題嚴內翰賜扇 送徐舍人使南都

送李長蘆先生

登樓觀閣時王令叔明邀王敬夫段德光康德

涵張用昭四子同遊

輞川

五言絕

絡緯吟

雨後

風雨

長安

白雪曲

題畫

晚出左掖簡君采

谷施生

六言絕

江南思

七言絕

宮詞

秋日雜興

吾起古要害地也閑居興懷追咏古跡

閨情

晚至昌平寺中

雪中謾興

諸將入朝

孫太史席上贈呂僊使

送韓汝慶還關中 燕京十六日夜曲

畫竹

目錄終

何大復詩

目錄

七



國家圖書館, NATIONAL CENTRAL LIBRARY, TAIWAN, R.O.C.

皇明四大家詩選卷一

信陽大復何景明仲默父 著

曹南石學蘊庚生長白父評選

詩評

國朝詩評曰何仲默如朝霞點水芙蓉試風又如
西施毛嬙無論才藝却扇不顧粉黛無色余謂
大復才學俱優涵養既久神與境會一氣渾成
無斧鑿垠無湊泊態如春風之和夏雲之奇
月之清冬雪之潔自然天成允爲極造置之盛

唐當不多得也

四言古

淮水

淮水送張子也

淮水湯湯伐鼓鏜鏜之子南征行夫不遑

誰經營四方誰高門翱翔誰粲粲衣裳誰饑渴載行

淮水二章一章章句一章章五句

樂府

琳池歌

琳池歌者漢昭帝之所作也

木蘭爲楫文梓爲船青荷爲蓋衣紅蓮宮娃側坐揮
繁絃淒風嫋嫋飄素秋飛花委葉承波流霜露夜下
不可留

採蓮曲

岸上有柳隰中有荷舟中女兒勝吳娥爲君先唱綠
水歌起攬長帶垂纖羅鴛鴦雙栖翡翠過下渚日暮
多風波葉密花稀愁奈何

獨漉篇

獨漉獨漉驅車折軸不畏折軸但畏車覆芘芘者猶

生彼中衢雖有蘭蕙當門則鉏同行竊金相顧道左
我實不知彼則畏我食荼知苦食梅知酸狐裘之敝
可以禦寒有虎斑斑伏于林下我欲射虎愧無勁弩
蕭彼北風渡彼中流豈不懷憂與子同舟

白紵歌

千金買笑萬金買歌明珠白璧豈足多長眉窈窕揚
秀蛾輕身起舞垂紅羅悲弦急管鳴相和三星低
月沉波銀箭金壺奈夜何

北里搗鐘東隣槌鼓吳歛越吟邯鄲舞恩義如山金
如土遺簪墮珥不服數窮冬夜長樂未闌流風回雪
滿楹前不惜皎潔爲君妍

白玉瑣闥黃金堂蘭蕙火薰象床雕屏羅列組帷張
繁膏列炬舒華光橫簫挾瑟步曲房朱唇素齒發浩
倡願爲比翼雲間翔

行路難

牀有織綺篋有織素請君視綺還視素憐新不如莫
棄故罇中有酒盤有殸聽我爲歌行路難衆中歡樂
多志氣豈知他人不得意白日有時不照地安能保
君常不棄

天河熒熒西北轉牽牛織女不相見由來天上亦別

離何怪人間有悲怨世情磷薄惡衰賤駕車騎馬有人羨少年不得君愛惜紅顏勝人亦何益

采葛篇

野風吹葛葛逾好縮霧縈煙青嫋嫋谿迴水白雲石
蒼石根引蔓百尺長越婦腰鎌赤雙足寒裳行歌入
中谷朝日未出霧露寒花繁葉密采掇難年年績絲
作絺綌奉以服君君莫斃君知衣葛好不知採葛苦
白日畏逢蛇月黑畏逢虎君不見吳王宮中細腰女
日向歌筵着白苧

霹靂引

石湫黝黝黑雲夕蛟龍夜起隨霹靂盤空殿地出絕
壁驟雨飄風怒相擊空中將將下矢石干戈萬馬俱
辟易飛鳥墮地委如積古檜長松盡遭劈吁嗟乎阿
香深山巨海胡弗往短域脩虺兼魍魎

處州別駕行

處之地山水迴處州別駕賢且才別駕來郵吏馳騎
連連鼓雷雷城門大開別駕來別駕來御駟馬雙麾
在前高蓋娜娜人有列戟出有負弩吁嗟別駕才且
武江之水去悠悠兩帆揚別駕舟處人來迎申人留
嗟別駕安以適彼安以去我

易水行

寒風夕吹易水波漸離擊筑荆卿歌白衣灑淚當祖
路日落登車去不顧秦王殿上開地圖舞陽色沮那
敢呼手持匕首摘銅柱事已不成空罵倨噫嗟嗟燕
丹寡謀當滅身光也自刎何足云惜哉枉殺樊將軍

五言古

武陵

武陵一何長遼遠不可測高林多悲風慘澹日無色
黃熊啼我前白狐跳我側蛟螭蟠深淵下見奔雲黑
沙蒸水亦毒我僕饑且踣辭家忽踰秋適此萬里國
土風日以殊川域邈無極伏波有遺響吟餘轉悽惻
何因托橫吹一寫千載憶

自武陵至沅陵道中

山深多樹木百里人民稀時有四五家茅茨隔山陂
沙田不可耕何以禦歲饑門前數畝園秬收蓬與藜
平明出汲澗薄暮始得炊童稚那敢出但畏逢虎羆
草黃納晚木桑綠催官絲嗟爾遠方人辛苦誰具知
新添

朝登七盤坡復下九折坂長風飄落日杳杳前山晚
征夫行取薪夜入礪中飯仰視飛鳥還載觀浮雲卷

還顧望鄉邑日與親愛遠公家尚有程安能速言返

平填城南村一首

朝出城南村策馬入荆杞村中八九家烟火自成壘
兒童候晨光稍稍荆扉啟四隣務收穫時復披草語
昵昵何所云但言好禾黍

雜詩

西陸移修晷素節多寒陰端居屏營慮淒氣慘人心
浮颺委時卉零露傷青林仰見孤雌翔玄鳥無遺音
蟋蟀何愁苦終夜長哀吟感物興慨嘆憂思孰能任

其二

馳輝在西山返景流東隅群欣被光灼何時待須臾
重陰肅萬物樹木日夜疎叢蕙植幽圃含榮躍前除
佳人耿雲端何由致區區常恐霜霰至委棄不我需

贈望之

遙遙京洛客承命發華輶朝辭冀州野夕泛黃河流
雙旆翔汝側駟馬登故丘故丘鬱以長岡囀茂松楸
車徒耀城郭親戚迎道周丈夫事四方州閭寧久留
王程在須臾顧念但懷愁前有盈觴酒爲我且綢繆

豔曲

御溝連上苑大道接平沙紫陌三千騎青樓十萬家

城中楊柳樹風起暮飛花

秦氏字羅敷馮家名子都
教成臨勸酒曲罷坐當壚
白馬金吾子青絲提玉壺

蘭燈列灌座繁炬灼朱光
富貴領南國佳人出北方
畫堂翡翠帳夜夜鬱金香

高臺臨萬戶朱構耀城隈
共藉鴛鴦綺雙持鸚鵡杯
春風樓下度一夜百花开

擬古詩

圓如天上月光輝尚當缺
與君非一身安能不乖別
關山日悠遠舉步難可越
君如隻車輪妾心如車轍

相隨萬里去繞繞何時絕

長安多豪俠白馬一何驕
金鞍競絡繹寶劍相招邀
招邀俠斜道青樓鬱岩堯
樓中妖豔女輕綺揚飄颻
皓齒激清倡逸響千層霄
浮雲散城邑白日隨驚颺
熒熒桃李顏華早仍先凋
結交苟弗宜誰謂能久要
望郭西諸峰有懷昔隱兼發鄙志

游龍戢淵鱗翔鷺振雲翮
潛姿媚幽深遐羽忌拘迫
頃來稅塵銜秉性嗜探歷
連山秀我里幸茲聽斯夕
橫天巖巒疊映日蒼翠積
涉波緬洄沿攀岑若咫尺
流日施遠壩寫悰異孤石
嘉遊懷伊人俯仰慨今昔

霞構象丹崖烟蘿集青壁傾耳谷中音希縱雲外迹
興性感彌深卽景無與適豈徒藉虛觀終然契冥寂

悼功甫悼亡

芙蓉望秋零幽蘭歇芳早不作雙頭花翻爲斷腸草
戚戚懷所思悠悠感衷抱瞻茲白髮心窮年以相保

贈田子

蒼蒼季冬夕積雪委中衢三星出東戶纖月揚西隅
主人樂行觴衆賓且停車何況平生友夙昔共惟娛
慘惻高堂上爲子重踟躇山川緬以邈岐路在須臾
出門慎自愛慰我恒相於

飲酒

平生多意氣四海盛交遊列筵亘長夜談辨雄名流
杯酒一言合遽將肝膽投入門顧兒女忸怩但懷羞
齒年逮今茲世故多所由興言念親戚骨肉嬰我憂
寒宵寡懽悰濁醪聊自謀明燈耀室內盤蔬代庖羞
豈必朋與賓妻子前勸酬語笑率真性無嫌亦何尤
人生貴止足無志早公侯數觴已復醉頽然萬情休
寄言馳鷺子從今任去留

十二月朔日大駕觀牲

玄雲翳廣陌素霰霰曾城萬乘屯蘭甸六轡儼天行

輕颺轉芝蓋重霄揚翠旌
狻猊劍珮合鏘鏘龍鳳鳴
犧人脫衡福膳宰翼旁楹
牛羊上廩貯鹿豕大庖盈
馨香流柜鬯肥腠奏牲牲
宮闈回帝覽鉦鼓感皇情
至敬肇茲達大禮須時成

贈君采

蕭散統琴書疲疾謝回亂
清雲汎闌暑白水激文瀾
於心懷我友翩翩振詞翰
比室諧言晤撫景悅流旣
孔公讚龍雙莊生明吹萬
理感由神詣情賞非虛嘆
鄙哉辨雌霓安知睹河漢
願投忘形契去適無窮岸

七言古

乞巧行

鵲橋崔巍河宛轉織女牽
牛夜相見岳陽女兒迎
七夕乞巧樓高高百尺華
燈明月光窈窕結綵蟠花
綺羅繞富家女兒恃嬌小
年年乞巧不得巧貧家女
巧世所稀只爲他人縫嫁
衣須臾露濕金剪刀雙星
漸沒河漸高人間天上兩
迢遙步襪仙裙空寂寥君
不見古來巧拙何足語歲
歲樓前競兒女

古松行

岳州地多古松樹千株萬
株植官路故老猶能記歲
年行人不解知朝暮臨江
西來烟霧起夾谷連山一

百里黛色寒通七澤雲秋聲夜捲三江水隄城之北
江水東鄂王祠廟丹青空英雄爲謨本宏遠古木至
今多烈風忠魂義魄杳何在故物依然見遺愛繁枝
百世人不翦直氣千尋我當拜六年前過蒲圻城古
松陰中三日行空山倒挂雷雨黑盛夏常貯炎風清
郵亭傳舍總蕭瑟鬱袍煩襟亦飄逸迴巖峭壁奔洪
濤老漫長藤翻白日只今復向巴丘道野草漸多松
漸少仄徑孤根半蝕苔夕陽幾樹空垂蔦昔時所見
合抱材斷枝落葉隨蒿萊過客山中想清籟行徒道
上愁黃埃輦山輿嶺萬千重半作豪家樓上棟古人
之力今人勞大厦明堂不得用年年官吏催斧斤故
老雖怒那敢嗔傍枝出地子成樹野婦山樵推作薪
驛前數幹聊可數我忽見之再三撫霜皮露甲如此
蟠霧鬣烟鬟學龍舞陰森氣象凜猶昔翠雪長標不
可侮荒村曠野識者稀終爲誰家起廊廡回首鄂廟
秋山阿廟前之樹無高柯鬼神訶護亦徒爾英靈不
返將如何達人且勿怨搖落志士胡爲傷軫軻君看
世事盡如此拔劍聽我松前歌

省中公讌

今日何日公讌會紫薇垣下填車蓋總戎太監爭邀

呼御史中丞立相符坐花饌玉綺席陳愧我何能居
上賓勸酬盡是文武士列坐俱爲藩臬臣廣堂潭潭
長百武堂前過鐘復槌鼓擊石彈絲逐橫吹清歌緩
節隨輕舞酒闌起酌明燭前橫金鳴玉聲珊珊交衢
夾道燈火亂仰看月出樓臺間諸公豪俊世稀有協
恭同寅重邊守幸時夷方不用兵簿書之暇得飲酒
只今 天子布洪仁九州四海俱同春清風相見唐
虞出玉座欣瞻日月新諸公於此復何慮矢志盟心
思致身

大梁行

朝登古城口夕藉古城草日落獨見長河流塵起遙
觀大梁道大梁自古號名區富貴繁華代不殊高樓
歌舞三千戶夾道烟花十二衢合沓輪駟交紫陌鳴
鐘暮入王侯宅紅妝不讓掌中人珠履皆爲門下客
片言立賜萬黃金一笑還酬雙白壁帶甲連營殺氣
寒君王推轂將登壇彎弧自信成功易拔劍那知報
怨難已見分符連楚越更聞飛檄救邯鄲一朝運去
同衰賤意氣雄豪似驚電楊花飛入侯嬴館草色淒
迷魏王殿萬騎千乘空雲屯綺構朱甍不復存夜雨
人歸朱夾里秋風客散信陵門川原百代重回首宋

寢隋宮亦何有遊鹿時銜內苑花行人尚折繁臺柳
繁臺下接古城西春深桃李自成蹊朝來忽見東風
起薄暮飛花滿故堤

流螢篇

廣儲六月清無暑流螢暗逐薰風舉始見昏連萬戶
星更看夜照千門雨千門萬戶競高低拂檻縈廊亂
復齊碧莎映水光初迴綠柳棲烟影乍迷水光烟影
飛還歇肯使炎精易淪滅帶火終須避太陽含輝却
自親流月長信官中葉秋玉堵金閣見螢流貴嬪
羅扇開香篋侍女珠

聽忽見流螢度蟋蟀林空寶瑟寒鴛鴦機暗孤燈暮
螢飛螢度自年年却天明珠按劍前莫言腐草無生
意莫道寒灰不再燃還將斥鴳鴟鵬語三復莊生第
一篇

木槿花歌

朝見花開暮見落人生翻覆亦相若夜來白露洒園
霍已是繁華不如昨朝花枝上鬪綽約暮花辭枝竟
何託持花爲謝青樓女鏡裏容華不待汝

聽琴篇

美人橫琴坐我堂酒闌爲鼓三四行燈孤月明客不

發絃悲調急秋夜長吾家瑤琴久不拭金徽玉軫無
顏色感君對此如有情一彈使我三嘆息樵歌響谷
山澗幽楚歌慷慨雲夜愁瀟湘猗蘭稍平逸四座但
覺清商流始聞白雪停琴竹烈飈吹我溪上屋忽然
翻作廣寒遊知是霓裳羽衣曲含宮移羽何春容冷
冷萬壑吟風松烟岑一夕怨鳴鶴江天何處驚蟠龍
我初好奇惟好此橫笛短簫徒聒耳平生頗抱鍾期
懷四海難逢伯牙子今夕何夕願不違爲君擊節淚
沾衣高歌雅知人世轉河轉參橫君莫歸

寶劍篇

我有雙龍之寶劍重之不减雙吳鉤雄遊九天橫素
秋雌鳴匣中聲嗚啾扶風豪士邯鄲俠千金在傍不
敢酬雪花星交照玉玦贈汝慰我心所求汝今年纔
二十四北上長安見天子手翳鳳凰跨驥驥肝膽
意氣無與比杏花江頭春風起綠袍青綬帶秋水想
見提携白日前更看結佩青雲裏我初鑄此良已勞
昆吾鐵冶風雷雜寶帶王弭黃金錯何以繫之赤錦
條歛地翻虞滄溟倚天未覺虹蜺高十年在匣尚
未試常恐棄置成鉛刀君不見豐城紫氛埋古獄星
辰夜搖魁魁哭奇器逢人自有時肯使塵沙竟湮沒

又不見藍田寶山空突兀
頑石却指神鋒秃平生蹀
有百煉鋼一用不謹爲棄物
吁嗟戴生爾無忽

寄李崆峒

黃河臘月冰十丈縱有鯉魚
那得上楚天鴻鴈避霜
雪未得逢春難北向康王
城邊沙草曛梁王臺上多
暮雲野人歲晚誰相對桐
柏山中空憶君

入京篇

軒車若水流宮闕似雲浮
畿甸一千里山河十二州
城中甲第其崔巍別起雲
薨接露臺旭日纔臨萬戶
動飛塵遙見九關開九關
鷄鳴競車馬百僚已集金

門下入衛皆爲龍虎軍來朝
盡是貂蟬者天子乘
春覽物華蜺旌羽扇五雲車
六龍不駐千官仗匹騎
常過七貴家七貴家連鳳城
裏轉日薰天勢無比池
榭春來錦繡圍樓臺日暮歌
鍾起復有蒙恩過童仇
執柄持權得自由不使府中
除將相直教門下謁王
侯王侯貴人慕豪富意氣相
看益驕妬未惜未閑騷
裊駒豈論金谷珊瑚樹托身
日月有光輝舉翼風雲
多會遇可憐漢室盛衣冠揚
旌蓬巷獨饒寒終歲校
書空閉閣十年執戟不遷官
公孫射策取卿相李廣
馮唐徒自嘆

長歌行贈旺兄

兄爲吾祖之長孫，能將孝義持家門。耕鑿不隨時俗，改衣冠頗有古風。存我家東岡舊鄉土，穀有田塲桑有圃。諸弟誼誼逐城市，兄也蕭條守環堵。僕童馴雅，妻更良。男女膝下皆成行，女長適人，止近里。男大爲農，不出鄉。只今汝年六十七，我翁爲叔，汝爲姪。歲時相看如父子，登堂過庭禮不失。弟昔省兄，盡君歡夜秉燈燭，羅杯盤兄前，勸飲嫂勸餐，留我一月相盤桓。自從離兄仕都下，都城誰是悠悠者。萬戶清晨霜滿裘，九衢白晝塵隨馬。朱門金鎖午未開，我曹不敢騎

馬。回此時吾兄正穩臥，日高戶外無人催。愛兄好靜，謝塵網一卷，道書常在掌，托身未肯附。年少舉手何曾揖，官長頃來生事日。看微種麻，自織身上衣。少兒從學長，幹蠱我兄心中無。是非君不見，人間歲月坐相迫。胡爲東城復南陌，兄今已作白頭翁。弟亦長辭青鎖客，山中桂樹況逢春。谷口桃花更照人，花前樹下一壺酒，弟勸兄，酬不畏貧。

漢將篇

漢家西北烟塵起，烽火夜照西京裏。胡虜崩騰一萬騎，關塞逶迤五千里。飛符插羽募精強，連營列陣掃

遼疆已見將軍屯細柳更聞天子獵長楊長楊羽獵
兵威振疊鼓鳴鉦聞遠近龍虎遙分天上軍魚蛇徧
關雲中陣長安驄馬俠少年金鞍玉轡鐵連錢共看
拔劍追驕子自許彎弓射左賢驚風盡起邊沙漲疎
勒黃雲迷所向飲馬寒臨月窟傍驅兵夜度天山上
降旗欵節樹戎城卷旆迴旌入帝京征人半死龍庭
戰壯士俱標麟閣名麟閣功名不易得貴臣良相徒
顏色威胡盡道李飛將還漢誰言蘇屬國王門關外
朔雲愁燕領書生亦曰頭君王自憶廉頗葦義士羞
稱萬戶侯

柳絮歌

長安三月百花殘滿城飛絮何漫漫千門萬戶東風
起陌上河邊春色闌美人高樓鎖深院白花濛濛落
如霰晴窗窈窕朝日遲亂入簾櫳起雙燕遊絲相牽
時裊裊委地飄靡不須掃君不見江頭綠葉吹香綿
隨波化作浮萍草

明月篇并序

僕始讀杜子七言詩歌愛其陳事切實布辭沉著
辭心竊效之以爲長篇聖于子美矣旣而讀漢魏
以來歌詩及唐初四子者之所爲而反復之則知

漢魏固承三百篇之後流風猶可徵焉而四子者
雖工富麗去古遠甚至其音節往往可歌適知子
美辭固沉着而調失流轉雖成一家語實則詩歌
之變體也夫詩本性情之發者也其切而易見者
莫如夫婦之間是以三百篇首乎睚鳩六義首乎
風而漢魏作者意關君臣朋友辭必托諸夫婦以
宣鬱而達情焉其旨遠矣由是觀之子美之詩博
涉世故出於夫婦者常少致兼雅頌而風人之義
或缺此其調反在四子之下與暇日爲此篇意調
若髣髴四子而才力未及致庸陋故摘辭蕪荃

無復統飭姑錄之以俟審聲者裁割焉

長安月離離出海嶠遙見層城隱半輪漸看阿閣銜
初照澗灑黃金波團圓白玉盤青天流景披紅藥白
露含輝汎紫蘭紫闌紅藥西風起九衢夾道秋如水
錦幌高褰香霧開瑣闌斜映輕霞舉霧沉霞落天宇
開萬戶千門月明裏月明皎皎陌東西栢寢岩堯望
不迷侯家臺榭光先滿戚里笙歌影乍低濯濯芙蓉
生玉沼娟娟楊柳覆金堤鳳凰臺上吹簫女蟋蟀堂
中織錦妻別有深宮閉深院年年歲歲愁相見金屋
螢流長信階綺櫺燕入昭陽殿趙女通宵侍御林班

姬此夕悲團扇秋來明月照金徽榆黃沙白路逶迤
征夫塞上行憐影少婦窗前想畫眉上林鴻雁書中
恨此地關山笛裏悲書中笛裏空相憶幾見盈虧淚
沾臆紅閨貌減落春華玉門腸斷逢秋色春華秋色
迥如流東家怨女上粧樓流蘇帳捲初安鏡翡翠簾
開自上鈎河邊織女期七夕天上嫦娥奈九秋七夕
風濤還可渡九秋霜露迥生愁九秋七夕須臾易盛
年一去真堪惜可憐楊彩入羅幃可憐流素凝瑤席
未作當壚賣酒人難邀隔座援琴客客心對此嘆蹉
跎烏鵲南飛可奈何江頭商婦移船待湖上佳人挾

瑟歌此時憑闌垂玉筋此時滅燭斂青蛾玉筋朱顏
苦緘怨緘怨含情不能吐麗色春妍桃李蹊遲輝晚
媚菖蒲浦與君相思在二八與君相期在三五空持
夜被貼鴛鴦空持暖玉擎鸚鵡青衫泣掩琵琶絃銀
屏忍對箜篌語箜篌再彈月已微穿廊入闥靄斜輝
歸心日遠大刀折極目天涯破鏡飛

玄明宮行

君不見玄明宮中滿荆棘昔日富貴今寂寞祠園復
爲中貴取遺構空傳孽臣作雄模壯麗凌朝廷遠勢
連衰跨城郭憶昨已巳年來事秉權自俯熏天勢朝

求 天子苑暮奪功臣第江艘海舶送花石戚里侯
門擁金幣千人力盡萬牛死土木功成悲此地碧水
穿池象溟渤黃金作宮開日月虹蜺屈曲垂三梁蛟
龍盤拏抱雙闕城中甲第更崔巍親戚弟兄皆闕闕
城里歌鐘賓客遊排門冠劍公卿謁生時千門與萬
戶墜地那遺一丘土石家遊魂泣金谷董相燃臍嘆
瑠塢宮前守衛無訶呼真人道士三四徒石戶蒼苔
生鉄鎖玉階碧草搖金鋪星宮晝開見行鼠日殿夜
禱聞啼狐遊客潛窺翠羽帳市子屢竊金香爐桑田
須臾變滄海桃樹不復栽玄都我朝中官誰最貴前
有王振後曹氏正統以前不得聞成化之間未有此
明聖雖能斷誅罰作新未見持綱紀天下衣冠難卽
振中原寇盜時復起古來禍亂非偶然國有威靈豈
常恃玄明之宮今已矣京師土木何時止南海猶催
花石綱西山又起金銀寺君不見金書追奪鐵券章
長安日日迎護勅

崔生行

予之至京師也友人崔太史于鍾見之日久不聞
何子言矣爲我作崔生行

崔生自返金陵謫騎馬復走長安陌時危頗負經濟

才海內俱識文章客自從盜賊近神京四海不見烟
沙青黃河流血日慘怛中原戰骨霜縱橫朔方兵馬
又已弱天下才賦難盡推書生不得言世務大臣誰
有匡時略我到長安訪交友子與河內猶相厚感君
戀故有綈袍吐膽傾心共杯酒六年更見玄都花萬
事空傷薊門柳河內憂時未解顏子亦談冥不輟口
金礦玉璞隱光曜紫氣龍泉鬱盤久議論反遭時輩
忌形容豈免流俗醜王良伯樂不在御驛駒騷裏徒
能舂人言古人未可輕古人往往皆無成子雲老大
不曉事設浩當時空有金車去惟應嗟白首時來

必濟蒼生卽今風塵尚瀕洞羽檄飛符迺相送西北
山河戰角悲東南天地軍麾動江海未見魯連恥
朝廷不聞賈生慟塵埃早知才質殊霄漢况覩名聲
重闕官清廟待琴瑟大厦明堂要梁棟天生公等世
所須努力他時有人用

憶惜行

序曰予上京師之二年汝正有湖南之行新政施
廢故人幾何晤語未諧離告又卽愴然悲歌不能
自已感念往昔要之將來耳

憶昔長安相會日君方壯年小只今容顏有更

變何況世事無紛擾 先帝衣冠半零落十年賓友
全稀少君今始作紫薇臣笑我金門落魄人馮唐尚
書亦笑老子雲識字空愁貧艷陽三月桃李耀君非
壯年我非少花開酒熟君遠行可惜春風阻歡笑明
星迢迢車關關遙向楚水辭燕山但看朱紱在腰下
莫使白髮生顛間武昌城邊江色澱襄陽漢水尤堪
羨東行何日訪鱸魚南飛不得隨鴻雁少癖山水耽
雲松兩年楚上多行蹤浮湘直下三千里望岳遙瞻
七十峯知君跌宕輕駟馬顧予豈是功名者安得浮
沉 帝座旁會須覽眺蒼梧野蒼梧風烟秋色開武

昌高樓吹笛哀帝乘白雲去不返仙人黃鶴何時來
君行訪古兼化俗長揖輜軒指南極听上游穿窰虎
林潭中座傍鼉鼉國他時倘覓桃花源北風爲爾傳
消息

田子行

君不見黃河西來北入海千載却倒東南流淮水如
絲納九曲桐柏山作崑崙丘我家清淮邊君家大河
側開闢二水今合同人生變化無南北田子之生河
降神十五手掣生麒麟二十解家觀國賓三十謁帝
爲近臣赤墀青瑣日月上金馬銀臺河漢津自矜一

身遇明主便欲登天叩天鼓天門畫關守虎豹雲師
屏翳雷公怒烟氣縹渺隨飛龍電光閃爍笑玉女太
清星辰下羅列歛忽闐闐生風雨丹誠不迴白日照
祀國憂天獨勞苦我持彤管雙鳳翎浮沉 帝旁戲
紫庭文園著書久消渴椽地酣歌常不醒長安少女
花在側茂陵美妾空娉婷漢皇不好相如賦方朔誰
知是歲星愛君襟期特奇邁諫垣給舍持風采平生
古今開萬卷搖筆風雲動五彩致君堯舜豈無術許
身稷禹終難改袖中一札諫獵書三歲磨滅未見採
鍊石何時更補天銜沙枉自思填海君不見楚人嘗

時不識玉海客無心采明月明珠暗投反按劍白璧
三獻還遭別連城高價後始定照乘奇光有時發鳳
皇不及鴟鴞鳴駑駘却笑驂駟拙君不見長孺從來
笑積薪公孫布衣爲漢臣千秋開口取卿相董生白
首甘賤貧萬言不如一言重直絃曲鈎安可論賈生
何能善絳灌任安徒事衛將軍我今與子俱落魄過
飲悲歌慨今昔咸陽酒客五花馬邯鄲博徒千金擲
古來豪俠亦可喜可憐聖賢皆厄塞豫章干雲世希
用龍泉貫斗人難識神駿番爲轅下駒冥鴻已愧籠
中翼出門與子常相憶清淮大河見顏色

苦熱行簡問良伯

六月二十火雲發京師毒熱勝吳下清晨衣冠不敢
出對食欲餐汗滿把閉門袒跣真發狂隱几寤寐何
由假風雲昨日忽入城疾雷破墻雨破瓦此地樓臺
更鬱蒸西山殿閣空瀟灑姑蘇才人玉堂客鄰近不
得同杯羊因君欲訪姑蘇臺臺下清江千尺瀉上有
萬竿修竹林千雲蔽日森炎夏君不見九衢亭午日
如赭鳥飛投林獸奔野紅塵騎馬何爲者

少谷子行

少谷子在武夷之山二十抱策叩燕關朝排閭闔暮

湖海九霄萬里身纖拳豈徒聲名冠帝里要使蹤蹟
窮人寰竭來京華始一識意氣形神兩相得肺腑直
成水石痼詞章亦帶烟霞色龍姿鶴性不易馴海思
江情浩無極項將東遊覩岱宗便欲下泛滄溟中蠹
風奔浪岩洞黑鼈日壓山樓觀紅南浮江淮覽吳越
復上會稽探禹穴去鳥晴生雁宿雲飛虹夜躡天台
雪波濤窈眇岑嶸移遍訪名山入武夷仗劍不憂百
怪出采芝或得群仙隨只今妙年始三十辭官讀書
志何逸九曲烟花對草堂三山蘿月開芸室已看鳳
皇在千仞回首驂騑空萬匹八月高城氣稍勁流螢

木葉交相映燕山遊子落日吟海濱歸客秋風興他日
遙尋少谷峯武夷莫作終南徑

題黃車駕畫竹

畫竹忘屈不忌直息齋出來有筆力今日畫圖幾百
年人間尚自留真墨空堂畫桂風雨寒明滅纖霧生
微瀾細觀見竹不見畫何時石上削此三琅玕八閩
高士黃司馬平生好文兼愛畫碧草停珂夏簟中
雲卷幔晴窗下每逢賓客出評品遂使破素增高價
開圖似惜孤鸞叢胡爲寫置荆棘中君不見洞庭之
上瀟湘呀翠篠修篁沙草亂鳳皇不棲鷓鴣怨

畫竹

殷君示我林垵竹臨風爲雨奪天巧尺縑蒼筤只兩
根氣勢已覺千林少蚪蟠鳳起倏有神出雲入霧何
縹緲聞君魯門西草堂萬竿白日森烟霜怪道君身
瘦如竹只對此君不食肉

同李進士觀銅雀硯歌

君不見鄴中魏帝無宮殿千秋遺瓦磨爲硯墨客騷
人空嗟嘆朱甍綺構誰曾見李君好古精鑒別冬天
拂拭開烟雪虛堂叩之哀玉音泥沙洗出黃金屑廣
州紫石鸚鵡眼歛山龍尾何希罕濡藻光起星漢垂

蟠花背刻龜螭斷其憶高臺羅綺春翠肩艷骨飛黃
塵提携故物悲年代感慨新章泣鬼神君不見臨漳
此物難復覩河沉听坼求者苦縣人相傳爲贗古鳴
呼日掘西陵土

五言律

避雨山舍望見蒲圻城

向晚蒲圻道遙聞鷄犬喧斜光入深巷疎雨過閉門
縣市渾依水人煙只類村蕭條燈火夕沽酒共誰論
辰溪縣

早發辰溪渡清川喜泛舟山城歌粉堞江驛映朱樓

雨驟沙顏听天寒水露洲蠻音聞漸異迢遞動鄉愁

沅水驛

去國日以遠登樓思故鄉雨來江氣白日出市烟黃
島嶼秋逾淨軒窗晚更涼憑高疑竚久槐影下微陽
其二

長劍向燈看休歌行路難巖牕縣石溜江檻殺風湍
城古蒹葭夕堂空蟋蟀寒幾回青瑣闥朝罷想鳴鸞
沅州道中四首

山行多雅興十里幾人家林葉垂朱實蹊藤落紫花
緣崖防轉石傍岸畏頽沙不見前溪堡遙聞奏暮笳

其二

歲月驚長道風塵惜舊綈
鈎雲盤曲磴沿月遡回溪
南國疲征歛西戎壓鼓聲
山深正愁絕落日鷓鴣啼

其三

共說關門險岩堯不可攀
山峰藏曲折澗道瀉潺湲
絕壁人愁下長林鳥倦還
官程元有限行旅敢辭艱

其四

向夕人烟近肩輿歷翠微
驛花明去節山霧上征衣
果熟收梨棗蔬香煮蕨薇
開樽對佳客且喜吏人稀

平溪

徙倚平溪館天高秋氣清
水螢光不定山籟響難平
夜火雲間戍寒楓江上城
終宵無夢寐高枕聽灘聲

李叅謀府

高衙赫弘厥鎮坐撫南蠻
四戟環千士雕甍插萬山
秋高鼙鼓振風靜虎旗閑
聞道西戎亂將軍莫破顏
鎮遠

寥泬古城池斜光照戍旗
關臨苗子砦洞入長官司
殊俗終難近蠻音久易知
踟躕暮江上又是仲秋時
查城十五夜對月

中秋看月色移席近前楹
河漢三更沒關山萬里明

風煙依獨戍砧杵閉空城此夜高堂上多應念遠征
其二

驛舍山東下閑吟月出歌婆娑安籠夕桂窈窕入雲蘿
玉魄中天滿清輝近水多廣寒高幾許臺殿瑣嫦娥
寄陰舍人

臨病春城暮相思汝水尋紫薇鸞掖遠碧草鳳池深
鳴珮他年夢看花此日心故知俱散盡北望一沾襟
雨霽

斷雨懸深壁餘雷振遠空蒼林橫落日碧澗下殘虹
萬井波光靜千家樹色同何因共朋好歸詠舞雩風

雨

獨坐浮雲起徘徊夕照孤長風生遠樹細雨入平蕪
暗牖飛蟲落高林宿鳥呼昭回曾有倡此日慰田夫
送孫太守

五馬朝天日傾城出餞時倪寬行考最何武去留思
碧草朱輪動青雲皂蓋移聖朝崇漢史功業正當期
葵

春後群花盡孤葵且自芳弱莖依井上勁幹拂簷長
衛足全生理傾心倚太陽幸因佳客至採掇薦中堂

中元夜月

片月東城上長風度早秋光臨青嶂發影抱碧潭流
灑氣沉沙浦餘輝戀水樓何人更吹笛關塞不勝愁

晚歸自溪上

秋到城西樹緣溪落葉多數家連水竹一逕入烟蘿
廢井寒蟄聚閒窗暮雀過濯纓聞孺子燈下亦悲歌

登樓

縹緲東樓上長凭興不慳病來疎眺望秋至廢躋攀
日落河山暮風起草樹班夜殘猶未倦坐待月臨關

同清溪夜坐

移席留長坐更深雨漸繁竹寒庭鶴警燈靜壁虫喧

舟楫淹歸計琴書代晤言知君多雅興常過蔣生園

八月丁日

孔庭嚴祀典冠冕萃吾鄉霄漢迴清樂星辰入畫裳
萬年仍俎豆千仞自宮墻此日斯文地瞻依病未忘

夜

地遠柴門靜天高夜氣淒寒星臨水動夕月向沙低
入室喧虫語張燈住鳥啼自然幽意愜不是戀深棲

陰

慘淡長陰合蒼茫四望同地秋還易雨樹晚故多風
樓閣山陰裏衣裳水氣中農家務收穫早爲豁層空

吾州

遼邈吾州地名從申伯來通淮一水下入楚萬峯開
舊國無遺廟寒城有廢臺秋郊獨臨眺懷古意悲哀

樊秀才園內菊

樊生園內菊相對小塘西露盡淒淒放風枝裊裊低
裁依石竹下發與晚蘭齊明日重陽酒殷動爲爾携

雨夜

雲薄高城上孤亭麗郭西暗中螢火度燈下草虫啼
零落同遊客淒涼舊雨題高歌視雄劍慷慨爲誰携
與孫世其晚坐

留客江村暮開樽對浦沙
地僻唯宜竹秋高未有花
琴書堪晤語隨意宿山家
登堅山寺

西風挿天起絕頂寺門開
雲裏一僧住山中無客來
落花平講席積草徧香臺
我欲聞清楚焚香坐不回
寄張季升給事中

獨立當霄漢清譽在馬
聞朝趨青瑣闥日侍御鑪薰
温室千年樹蓬萊五色雲
同年還愧我天上早離群
懷李獻吉

聞君在羅網古道正難行
無使傳消息憑誰問死生

東方无太歲李白是長庚才大翻流落安知造物情

月

宛宛秋山月今宵尚未圓光生萬里外影對一樽前
城靜虛弓倚樓高破鏡懸草堂風露下終夜不成眠

雨後次孟聖之

斷○藏○深○浦○殘○雲○霽○晚○空○人○家○乳○水○外○野○艇○夕○陽○中
風急鳴江鶴天高落塞鴻滄浪浩歌起身世羨漁翁

送孫世其舉人歸華容

爾去荊州府孤帆幾日開山過宋王宅江到楚王臺
落雁衝人起浮雲度水來悲懷兼別緒歲暮若爲

客室

野外逢迎少柴門落葉稠人閑不掃室客到始梳頭
且爲烹茶坐還因看竹留登臨如有興更上水邊樓

西郊秋興二首

谷口風兼雨茅齋淅淅秋寒烟浮島嶼白水飈汀洲
散地耽高臥何時作遠遊近來疎懶甚一月罷登樓

其二

嚴風日以發落葉轉紛紛遠樹斜銜照寒山半入雲
步兵常嗜酒水部本能文悵望千秋上斯人亦不群

長安月

萬里長安月曾看照綺羅徘徊留舞席宛轉逐遊珂
錦幌披青霧朱樓拂絳河佳人獨愁思終夕抱雲和

登釣臺

出郭初冬暮登臺日已曛碧潭寒吐月孤嶂晚出雲
名姓嫌人識悲歌欲自聞沙鷗莫飛去應共爾爲群

病馬

柴公有名馬騎出自京華峻耳批雙竹奇毛散五花
老能知道路病已困泥沙貴賤誠如此長吟爲爾嗟

其二

惜爾西來遠愁看更向東毛寒常帶雪骨瘦不禁風

惆悵臺邊士淒涼塞上翁徒聞穆天子八駿歷曾空

得五清先生消息尚客澧州悵然有懷作詩六

首

洞庭西去路消息幾廻聞地僻難逢雁天長祗見雲

白頻悲楚客班竹怨湘君宋玉哀師意空傳九辨文

其二

跡爲羈棲久身因放逐勞五溪淹日月三峽尚波濤
夢裏催雙翼愁邊見二毛清風引歸袂名共蜀山高

其三

儒行荆人識文章澧苑傳夷方仍俎豆客路半舟船

太守迎徐稚諸生仰鄭玄獨憐門下士何日進彭宣

登紫極閣

層閣重重麗丹梯裊裊孤風雲上紫極氣色覽皇都
苑靜芙蓉落城喧雁鷺呼蒼然見淮楚鄉思滿平蕪
世其宅夜集同君采作限難字

冬夕具盤餐明燈坐不寒獨憐竹葉盞仍對菊花團
素月縈牕細高雲傍苑殘美人江國去惆悵采芳難

冬月

冬月少光輝霜天影漸微鼓鼙仍雪塞燈火自風靡
水凍蛟潛泣沙寒雁不飛何時漢家將雙照羽旗歸

寄崆峒子卜居襄陽

爾定襄陽宅雲山好傍誰草隣王粲井花醉習家池
留滯悲江漢驅馳感歲時扁舟空悵望未有鹿門期
送王有隣之趙州

大隄須才美君才美更多雙幡朱析羽五馬玉鳴珂
橋市連燈火城亭入菱荷兒童迎太守齊唱趙州歌

平坡

晚睡平坡上蒼茫萬壑前一僧行樹杪諸客到寒天
險駭將崩石清憐乍坼泉翠華公主塔縹緲碧山巔

皇陵詩

陵闕皇靈闕山河王氣遙萬年龍虎抱每夜鬼神朝
玉盃留天地金燈照寂寥如看翠華度縹緲在春霄
鑑公房石燈

石盃何年鑿瑤鍤此夕然雲流自五嶽月色近諸天
定裏金輪轉光中玉鏡縣西來不滅影常照法筵前
中秋無月

月賞今年罷高樓獨客愁關山中夜笛江漢故鄉舟
暗雨梢簷入秋螢度檻流應知雲霧上天柱有人遊
駕出

九重玄武仗萬歲羽林軍朝 帝乘輿出行天警嘿

聞鸞頭蟠曉日雉尾拂春雲佇望南郊氣遙連北斗
文

大祀

金榜星辰暮瑤函海嶽編受禧同漢室登禪異秦年
日抱龍旂轉天流羽蓋旋楊雄老陪從白首賦甘泉
張侍御送弓

繡服意相親彤弓祀贈新獨憐投筆志未老據鞍身
豈控鳴風鏞宵鬯抱月輪倚天時一望西北有胡塵
送沙河方令

埜曠孤城出山高上黨分春沙平落日古樹密屯雲

桃李今年種絃歌此地聞未須愁簿領應不廢詩文

送賈昶博之階州

十載一儒官西行路復難羌夷應俎豆邊徼有衣冠
隴坂盤雲上秦城向斗看好音懷萬里早晚報長安

詠天寧寺塔

七級芙蓉起千年舍利藏地形標海嶽人代閱隋唐
鏡現三天象珠銜四日光白毫空萬里處處有迷方

元夕

燈火萬家歡高樓玉漏殘舞留華月緩歌裊綠雲繁
雪郭春初霽煙城夜不寒畫橋垂柳外遊女珮珊珊

新鄭道中

客路臨新鄭雲沙墜轉平夕煙生斷塹野水入荒城
下馬看碑誌逢人問地名千秋陵谷在懷古益多情

送楊驛丞

聞說丹河地孤城海上開鹵煙出市井潮影動樓臺
漢使傳宣過夷官入貢來皇華歌送客應聞出群才

早入宣武門

謁謁名都會鷓鴣共接翔金貂萬戶客鐵騎五陵豪
夾道紅塵滿千門白日高寂寥楊子宅隨分守蓬蒿

送江華州

爲穉稱先子承家氣益豪少年乘五馬何夜夢三刀
天入黃河迴雲開華嶽高古來名勝地此日羨賢勞

寄顧華玉

詞客金陵去那期歲屢過相思秋水隔悵望暮雲多
清廟朱絃瑟華堂白紵歌徽音久寂寞高調近如何

月食

月蝕中秋夜中天萬國看衣冠連大內鐘鼓動長安
光沒天河曉陰沉渤海寒 聖心應念此長望五雲
端

送楊太常歸省

錦里趨庭日聲華冠蜀都弟兄今二妙父子宋三蘇
禮樂風雲地旂常日月圖 今皇念大祀未可滯江
艦

送彭總制之西川

蜀道青天上岷山赤日西 九重連授鉞萬里動征
輦開府松沙靜懸軍玉壘低知公安蜀討諸葛大名
齊

過田郎

晚就田郎飲高歌坐此庭炎天忽雲雨西日更雷霆
席傍簷花濕窗臨苑樹青相過戀朋好常得慰飄零

一舫齋

乾坤聊一舫高臥此齋深竹散琴書色窗開島嶼陰
乘桴浮海意擊楫渡江心無限風波裏何人嘆陸沉
立秋日呂景二內翰呂田二黃門見訪

高城下一葉亭樹已蕭疎河漢生秋草星辰動夜虛
玉珂停蹶裏金硯落蟾蜍俱是文章伯相看不如
立春汝濟見過次韻

勝日高人過蓬門氣色新青榆初改歲白荀共嘗春
鼓吹闐京邑樓臺接漢津板留慨時序晤語覺情親

寄三子詩

三子者王康呂三子也三子俱產之關中並見面
同隱西墾高駮慷慨悲懷爲詩寄之

鄜杜終南曲邠岐渭北階水多龍臥處山有鳳來時
星宿中宵動風雲萬里移滄江問靈劍離合少人知
城東泛舟

水郭移尊宴沙原列騎停岸開平放舸林轉曲適亭
雨意雲垂白風情柳送青衣冠夕臨泛東墾極滄溟
過寺中避暑同川父

偶到清涼地番恩苦熱哀水堂菡萏折風殿薜蘿開
逃暑無三伏憑虛有一臺西山晝雷雨不見洗天來

雨景劉汝忠過對棊觀詩談邊事作

城晚客車靜邊秋胡馬多黑雲浮日動白雨映天過
謝傳惟棊局劉琨只嘯歌異時安見汝談笑却干戈

鏡光閣

峻閣岩崑上層城眺望中風鈴齊送響雲磴曲盤空
海色搖牕碧蓬萊影日紅翠華無復到長鎖翠微宮

中秋十三日子容樓

對酒中秋日憑闌萬里遙風高塞國雁月近海門潮
興逐燕閣起魂從楚望銷無邊漢宮柳烟色晝蕭蕭

十四夜李川甫宅

獨院淹杯酌高秋驚旅魂風蟬急白露沙葉靜黃昏
月上看天柱潮來望海門平生壯遊志非爾何誰論

胡戶部父母同受封命

紫誥開天府瑤函照楚鄉白頭偕二老綵服有諸郎
草動春江色花携漢署香夜來朝南斗萬里益光芒

草堂寺

昔讀高僧傳今看勝地形院寒留檜柏殿古落丹青
寶塔參遺影荒臺問譯經駐車春日暮散步出林坳
普緣寺有馬融讀書洞

春山尋古寺昏黑尚攀緣仄迳千盤轉巉峩萬仞懸

何人復詩 卷二 十一
虎常啼白晝猿忽墮青天欲訪名賢洞冷冷隔澗泉

登五丈原謁武侯廟

風日高原暮松杉古廟陰三分於漢業萬里出師心
星落營空在雲橫陣已沉千秋一瞻眺梁甫爲誰吟

清峰閣曉霽

初日東峰上微微霽色分丹崖含宿雨青嶂拂歸雲
候騎林端發鳴笳樹裏聞前山更可愛晴望碧氛氤

登樓在草店作

近訊中原使兼登萬里樓朝廷仍北極行在且南州
峽斷風雲隔江通日月流如聞乘八駿早晚向崑丘

馬道驟雷雨

萬壑驚雷起千峰鳴雨過稍看風瀨減更覺夏雲多
虹飲垂清澗猿行掛碧蘿山中無吏事長嘯答樵歌

書院課士雨至有作

雨色開堂靜橫經坐晝深笙歌非絳帳絃誦有青衿
竹勁梢簷碧松寒覆院陰萬人憂旱日洗耳聽秋霖

五言排律

悼馬詩并序

予家買得一馬齒小而良丁卯歲季夏十五夜予
忽夢一龍于立堦下跼蹐而死夢警僮在戶外呼

日廐馬死廐馬死予恠且惜之作悼馬詩十韻

乘爾方踰歲何期病忽危四蹄猶未整雙淚泣長垂
渥水千年降房星一夜隳早逢田子嘆終遺塞翁悲
顧影辭金絡遺骸戀故帷誰能酬飼林那復效驅馳
苜蓿殘空樞莓苔滿故池風塵思駿力烟海失龍姿
惆悵玄黃句淒涼緒白詞平生精志在不愧主人知

寄贈王秉衡御史

獨坐清闈內臺中覺汝賢承嗜天下險周召國風先
按節人文朗登臺使命宣豺狼避驄馬神鬼泣龍泉
文彩驚流輩

仙省接星辰近池臨雨露偏畏途逢改革新法忤權
奸放逐江湖去飄零歲月遷地卑棲鍛羽天近起聯
翩殘寇猶衝突蒼生極倒懸專征空授鉞募戰豈論
錢漂血江河赤僵尸楚蜀連俊才兼武略要地有威
權馬上排金戟軍前贈玉鞭笑談安石計激切賈山
篇漢苑南山下秦城北斗邊相思一回首萬里各風
烟

郊觀二十二韻

今代園丘地天開壯麗區神祇二后配禮樂百王殊
制作由皇祖儀章藉老儒萬靈欽受紀七聖亶承

圖紫墜兼虞典登封略漢模巍基錯采繪法象備堪
輿丹戶乾坤闢彫墻海嶽扶瑤壇上星斗琳觀俯虛
無輔弼朝玄座勾陳衛紫樞風含浴殿暖雲裊露盤
孤好時瞻春祀蒿高聽夜呼公侯守禁禦虎旅發金
吾王輦臨犧宰珍饈走膳夫廟縣鏞鼓列庭舞羽干
趨俎豆聯周筮圭章飾夏瑚祠官足錦繡道士住蓬
壺澤草三花綻宮霞五色敷時時聆磬管鬱鬱鎖松
梧日月藏金櫃龜龍秘赤符祈天洪洛誥渡海斥秦
誣杜甫唐三禮班生漢兩都侍臣從此賦千載頌文
謨

壽泉山先生

德業台衡望精神光嶽靈漢儲懷羽翼周士服儀刑
紱烏登三省皐比擁六經飛章白獸闥解組鳳皇亭
慷慨陽城餞悽惶楚澤醒丹心對日月白首臥滄溟
積慶璿原濬垂芳奕葉馨絲衣來子宴玉樹謝家庭
海嶠神仙窟烟霄鳧鶴翎棲身葺薜荔返老斲松苓
花映衣裳古芝凝眉髮青三山開壽域萬里動文星
雨露知桃李春秋報莢萸 聖朝耆俊禮早晚貢雲
扃

七言律

岳陽

楚水滇池萬里遊，使車重喜過巴丘。
千家樹色浮山郭，七月濤聲入
龍樓。寺裏池亭多舊主，城中冠蓋半
同遊。明朝又下章華路，江月湖煙
縮別愁。

月潭寺二首

玲瓏金刹白雲邊，踏閣攀林一徑穿。
龍出洞門常作雨，鶴巢松樹不知年。
僧來殿上鳴鐘飯，客到山中借榻眠。
怪底夜來難得寐，秋風窗下遶流泉。
綠蘿陰下到蒲團，茗葉松花進晚飧。
近水雲霞晴亦雨，傍巖樓閣晝常寒。
旅懷寥落逢秋半，僧話淹留坐

夜闌惆悵塵蹤又南去，朝來鐘磬隔烟巒。

九日黔國後園

何處風烟消客愁，將軍臺榭枕山丘。
一年又過重陽日，兩鬢空愁萬里秋。
水國陰多寒已至，炎方霜後瘴初收。
憑高欲送登臨眼，更上池邊百尺樓。

呂公祠

落日蕩漾古水濱，邯鄲城邊逢暮春。
趙王臺榭草花盡，呂公祠堂松桂新。
馬上十年元是夢，世間何處可還真。
黃金白髮俱閑事，赤日紅塵愁殺人。

病後頻驚節序過、不將風景怨蹉跎、秋來門巷依楓
橘、歲晚衣裳戀芰荷、洛下閑居辭宦早、茂陵消渴著
書多、鳳皇池上三年客、腰裊空鳴白玉珂、

沈逸士來自吳下能詩善鼓琴間投篇什見訪
顧館於城中予以病不得出迺作此詩招致敞

庄

寂寞秋山臥病年、美人勞贈白雲篇、陳蕃已下迎徐
榻、王子寧迴訪戴船、郭外樓臺堪眺望、水邊花樹足
留連、廣陵失後無新譜、莫惜携琴爲我傳、

秋興

秋來門巷少經過、日日幽懷對薜蘿、一笑流光拋客
路、十年歸夢落漁簑、沙邊返照寒初斂、水上浮雲曉
故多、苦憶梁園辭賦客、黃河愁望渺烟波、時李獻吉在汴州

寄贈劉東山先生次林都憲韻

一疏歸來臥舊山、幾回天上識容顏、城邊黃石留侯
去、海內蒼生謝傅閒、日月夢回天闕仗、烟波家在洞
庭灣、南瞻江漢無多路、不得乘槎一往還、

九月二十六日同賈廣文劉舉人任貢士高夔
府先生宅內賞菊

野店山家開已殘、寒來移近曲闌干、亭亭似與霜華

閨舟舟偏隨月影繁千里況逢佳客賞幾人能得故
園看清尊歲暮東籬下采采金花不滿盤

無題

艷舞嬌歌出絳紗黃金不惜教琵琶鴛鴦本是雙棲
鳥苗蒼元開並帶花紫玉豈忘韓重侶綠珠寧負季
倫家多情自古還多恨腸斷春風巷柳斜

八月王宗哲宅見菊

燕臺菊樹艷秋堂楚客鄉心益渺茫人世幾回逢一
笑天涯明日過重陽高雲錦石寒相映細雨清沙濕
不妨況是右丞多雅詠可能無興醉花傍

送張元德巡畿內

漢京樓殿鬱雲虹淮海文章御史驄三輔自來多寇
盜五陵今日更豪雄埋輪亦在都亭下攬轡仍行甸
服中潯水太行烟霧裏獨看高隼擊霜空

月夜王宗哲宅贈田子之江西

高城吹角此宵寒遠客今歌行路難歲暮風烟殊去
住天涯燈火共悲懽西江日落移舟入南斗星懸倚
劍看廬岳玉山千萬里不知何地望長安

送劉養和謫金壇

丹陽北郭是金壇此去無歌行路難當道豺狼曾避

何人後言 卷二
馬得時鷓隼却驚鸞風霜華杪留顏色鐵石人間識
肺肝漢北陝南今涕淚不知遷逐向江干

送殷近夫之青田

石川居士昔餐霞爲吏風塵不怨嗟海上故栽彭澤
柳江邊新種洛陽花飄飄暮送凌空鳥渺渺春迴上
漢槎安得便同仙令去遠從勾漏覓丹砂

奉寄泉山先生

北戰南征兵未休我師高臥只林丘蒼生尚繫裴公
望白髮寧忘范老憂江上弋人徒慕雁海邊漁父不
驚鷗冥冥蘿月三山外獨倚京華萬里樓

得獻吉江西書

近得潯陽江上書遙思李白更愁予天邊魑魅窺人
過日暮鼃鼃傍客居鼓柁襄江應未得買田陽羨定
何如他年淮水能相訪桐柏山中共結廬

無題回文

絃中曲怨不同調早見相如病骨銷眠獨夜烏啼渺
渺夢多春草碧迢迢烟生暗閣鸞沉鏡月落空樓鳳
罷簫年往恨花飄水逝傳書有雁一停橈

簡汝立

汝病幾時辭省署我懷終日念鄉關風塵對酒空行

何大復詩 卷二 四四
路雨雪逢春尚在山少室三花無客采小山叢桂有
人攀淮南洛北如相訪一鶴雲中往復還

送賈學士之南都

金陵樓閣九天開銀漢仙槎萬里來宮月夜懸鷓鴣
觀江流春轉鳳皇臺直從此極看南極却望中台接
上台鳴世早傳天下作逢時直羨洛陽才

送杭憲副兵備天津

天津橋北望京樓金鼓東行節使舟日月晝縣滄海
樹龍蛇春壓九河流百年貢篚通南極萬里旌旄屬
上游莫笑談兵尊俎上書生元不爲封侯

鱗魚

五月鱗魚已至燕荔支盧橘未應先賜鮮徧及中璫
第薦熟誰開寢廟筵白日風塵馳驛騎炎天冰雪護
江船銀鱗細骨堪憐汝玉筯金盤敢望傳

雨過何太僕

簷日陰陰喧晚雷坐深庭樹不思回挾風鶴鶴城邊
去截雨虹蜺海上來詩興西堂還舊草酒杯東閣又
官梅陰符遁甲談兵罷愁向烟塵兩鬢催

答劉子緯雨後之作次韻

萬里秋風張翰魚扁舟常憶楚江漁窮愁阮藉猶耽

酒老病虞卿只著書風晝海蒸雲自起水天沙霽日
微舒劉郎數月稀相見喜送新詩慰索居

送衛進士推武昌府

少年佐麗楚城居十郡風流盡不如此去且隨彭蠡
雁何須不食武昌魚仙人樓閣春雲裏賈客帆檣晚
照餘大別山前江漢水盡簾終日對清虛

送顧隱君還常州君來視其姪中書子進士

北庭綵袖日邊聞南甸青山海上分阮氏竹林推叔
父謝家玉樹有郎君河關曉發隨燕馬江路秋帆拂
楚雲歸向惠泉攜舊客菊筵開酒送清芬

十六夜尹舍人宅次劉汝忠韻

今年月色倍長年今夕還如此夕圓江上鼃鼃皆有
窟塞南鴻雁不同天坐遲宿霧開風館酒罷餘輝散
燭筵忽聽玉簫傳鳳曲瓊樓高處綵雲偏

九日獨酌簡何太僕

無客秋堂菊自芳寒城獨酌對重陽愁來轉覺登臺
懶病裏誰傳落帽狂海內弟兄非異姓楚南賓客本
同鄉十年躍馬從吾地風雨看花意不忘

同馬光祿登慈仁寺閣

今度慈仁寺閣遊翠烟冬日抱重樓冥冥繡棋盤空

何大復詩 卷一
界裊裊丹梯接 帝州立傍星辰天北極坐看雲霧
海東流也知光祿高情興自合題詩在上頭

閣直立春日雪

天門望雪瞻華蓋御苑迎春試碧桃
曉色何明通散帙鑪烟當晝引揮豪
雲連睥睨銀城迴風繞罽毼王殿高
綵仗數移西闕宴金花虛映北宮袍

懷寄邊子

汝從元歲侍 今皇誰念先朝老奉常
一出雲霄空悵望十年岐路各蒼茫
春天縹緲金莖露晝日氤氳紫殿香
獨有楊雄尚陪從白頭抽筆賦長楊

題嚴內翰賜扇

端陽綵扇百官傳每歲官臣賜獨偏
君去翰林供奉久始來經幄拜恩年
頒從殿閣風先動捧向雲霄月並懸
象轂銀環倍光寵好揚薰吹助虞絃

送徐舍人使南都

御書親奉出金扉草綠南徐四牡駢
江上登臨鄉思遠客中離別宦情微
潮生鐵甕迷前代雲起金陵識舊畿
惆悵一春詩社冷有誰吟對峯中薇

送李長蘆先生

十年相見倍相親風表依然道義存
幾憶趨庭陪鯉

對無緣縮地拜龍門停杯慷慨論前事撫劍踟躕感
舊恩一別重逢更何處鴈聲東下海雲昏

登樓觀閣時王令叔明邀王敬夫段德光康德
涵張用昭四子同遊

峻閣含風落照孤憑高千里視平蕪鳳笙錦曲春飄
緲瑤草金光晝有無株藥幾時尋碧海種桃無復問
玄都五陵冠劍豪遊地猶是長安舊酒徒

輞川

飛泉萬壑通藍水反徑千峰入輞川野老豈知旌節
到世人空作畫圖傳鼃鼃坼深無地鷄犬林開忽

有天卽此買山堪避俗桃源何必訪神仙

五言絕

絡緯吟

絡緯催寒女悲吟入總幃秋風啼不斷相伴下鳴機

雨後

竟夕雨連舍今朝雲出溪輕雷千嶂外斜日數家西

其二

畫角城隈起風吹響入雲清秋易生感深夜更多聞

其三

檻倚崩沙出籬通亂水過家人休掃石自愛碧苔多

風雨

西郊秋日暮雨細更風斜應爲重陽近來催菊著花
長安

白雲望不盡高樓空倚欄中霄鴻雁過來處是長安
白雪曲

暗逐梁塵起潛隨燭影流似憐歌舞處故故入高樓
其二

梅花開雪中相看鬪奇絕常教雪似花莫遣花成雪
其三

駿馬黃金鑣胡鷹赤錦絛風搏千里翻雪點五花毛

題畫二首

縵縵春山雲離離春江樹君看江上山不是人間世
其二

古洞入青冥山通武陵渡漁郎莫放舟恐失花間路
晚出左掖簡君采

露重芙蓉館雲輕翡翠城文園病司馬消渴墜金莖
荅施生

日射江門動龍蟠海霧生排空有羽翼不上九天行
六言絕

江南思四首

寄曹毅之

倚杖微言 卷二 四九
月冷荒祠苦竹秋清玉殿蒼苔一壘雲帆無際沙明
白鳥飛來

其二

細雨寒城催棹夕陽孤嶼鳴鐘到寺莫題蕉葉渡江
爲橋芙蓉

七言絕

宮詞

碧草萋萋生御溝垂陽裊裊夾朱樓窗臨北斗空中
起水接銀河天上流

秋日雜興

鱖鱖鯉魚三尺身纖鱗照水白如銀未須更論成龍
勢只在溪中亦有神

吾麗古要害地也閑居興懷追咏古跡

楚關申戍鬱茫茫野草春沙更斷腸山頭僧住何年
砦山下人耕古戰場

閨情

秋風嫋嫋生羅衣美人夜泣紅燭微郎騎白馬臨叩
去樓上年年燕子歸

晚至昌平寺中

度盡清溪十里霜寒蕪落日下蒼茫山城薄酒無錢

買晚飯僧家石耳香

雪中謾興

長安雪花亂如雲
複道層城望不分
行客遙傳五侯宅
畫樓絲管畫紛紛

諸將入朝二首

闕下千官侍鳳樓
苑中天子建龍旂
豹房虎圈先班賞
武帳前邊賜姓侯

少年生長在邊城
介冑南征蟻虱生
馬上朝來橫吹曲
梅花一半是吳聲

孫太史席上贈呂揮使一首

白馬駢弓出薊門
相逢意氣倒金尊
功勳要識將軍呂
文字先看太史孫

送韓汝慶還關中

華岳雲臺萬里情
高秋落日眺秦城
黃河一線通滄海
身在仙人掌上行

燕京十六夜曲

萬歲山頭鎖玉樓
十王館中人不遊
中宵金鼓雲間動
翠輦龍衣過五侯

畫竹

誰開素練寫烟梢
欲采琅玕奏玉簫
猶憶鳳皇池閣

上坐聽風雨
下層霄



國家圖書館, NATIONAL CENTRAL LIBRARY, TAIWAN, R.O.C.